

დადგენილება № ცფ-1010-23
გაფრთხილების სახით ადმინისტრაციული სახდელის
დადების შესახებ

ქ. ქუთაისი,

9 მარტი, 2023 წ.

1. დადგენილების გამომტანი ორგანო (თანამდებობის პირი): ს.ს. „ენერგო-პრო ჯორჯიას“ დასავლეთ საქართველოს ცენტრალურ ფილიალის ადმინისტრაციული სამართალდარღვევის საქმის განმხილველი კომისიის თავმჯდომარე ტარიელ შვანგირაძე.

2. საქმის განხილვის თარიღი: 2023 წლის 9 მარტი.

3. ცნობები პირის შესახებ, რომლის მიმართ განიხილება საქმე:

ფიზიკური პირი ბექა ჯავახაძე, პირადი № 60001125507, დაბ. 1990 წლის 3 თებერვალს, მის. ქ. ქუთაისი, ბორის გაპონოვის ქ. IV შეს. № 4, ფაქტ. მის. ქ. ქუთაისი, გუგუნავას ქ. № 5ა, ტელ. 571 48 48 58.

4. საქმის განხილვისას დადგინდა შემდეგი გარემოებები:

2022 წლის 27 ოქტომბერს, ქ. ქუთაისში, გუგუნავას ქ. № 5ა-ში, აბონენტი ინდ. მეწარმე „ნარგიზა მაისაშვილის“ (აღნიშნულ ფართში საქმიანობას ეწევა ბექა ჯავახაძე) აღრიცხვის კვანძის შემოწმებისას დაფიქსირდა ელექტროენერგიის უკანონო მოხმარება. კერძოდ, აბონენტის მრიცხველის შემოწმებისას აღმოჩნდა, რომ მრიცხველს აღნიშნებოდა ხელოვნური ჩარევის კვალი. არ ჰქონდა ზედა ხუფის ლუქები და დაზიანებული იყო ქვედა ხუფის ლუქი. მრიცხველს იმპულსი ჰქონდა, მაგრამ ციფრი არ გადაჰქონდა. მრიცხველი მოიხსნა და შესამოწმებლად გაიგზავნა შპს „საქართველოს მეტროლოგიის ცენტრში“, სადაც 2023 წლის 13 თებერვალს ს.ს. „ენერგო-პრო ჯორჯიას“ წარმომადგენლის მოთხოვნითა და თანდასწრებით გაიხსნა იგი და დადგინდა, რომ № 00084007 ცალფაზა მრიცხველის (დასკვნა № 054), რომლითაც აღირიცხებოდა ბექა ჯავახაძის მიერ მოხმარებული ელექტროენერგია, მთვლელი მექანიზმის წრედში ჩამონტაჟებულია დისტანციური მართვის გამთიშველი, რითაც შესაძლებელია მთვლელი მექანიზმის გაჩერება. წარმოდგენილ მდგომარეობაში მთვლელი მექანიზმი არ აღრიცხავს მოხმარებულ ელექტროენერგიას. ყოველივე ეს გამოწვეულია მრიცხველში ხელოვნული ჩარევით, რაც ადმინისტრაციული კანონმდებლობით დასჯადი ქმედება. 2022 წლის 27 ოქტომბრის აღრიცხვის კვანძის შემოწმება-მიღების № A1025914 აქტით, დატაცების მომენტში მრიცხველში გამავალი დენებია: A ფაზაში 22,2 ამპერი, B ფაზაში 22,2 ამპერი და C ფაზაში 42,1 ამპერი. აბონენტს სამართალდარღვევის ოქმის შედგენის დღეს შეუწყდა ელექტროენერგიის მიწოდება ადმინისტრაციული საქმის განხილვამდე. ბექა ჯავახაძის მიმართ 05.03.2023 წ. შედგენილ ადმინისტრაციული სამართალდარღვევის ას № 009646 ოქმს ხელს აწერს სამართალდამრღვევი, იგი აღიარებს სამართალდარღვევის არსებობას და განმარტავს, რომ გაეცნო აღნიშნულს და ასეთი რამ მეტი აღარ განმეორდება. საქმის განხილვაზე სამართალდამრღვევი არ გამოცხადდა. ბექა ჯავახაძე არ არის ადმინისტრაციულად სახდელდადებული, რაც დასტურდება საქმეში წარმოდგენილი შსს საინფორმაციო-ანალიტიკური დეპარტამენტის მიერ მოწოდებული ინფორმაციით. საქმეში ასევე წარმოდგენილია

სს „ენერგო-პრო ჯორჯია“

27.10.2022წ. აღრიცხვის კვანძის შემოწმება-მიღების აქტი № A1025914 და სამართალდარღვევის ფაქტის ამსახველი ვიდეოჩანაწერი, რომლებითაც დასტურდება ბექა ჯავახაძის მიერ ელექტროენერგიის დატაცება. საქართველოს ადმინისტრაციულ სამართალდარღვევათა კოდექსის 236-ე მუხლის თანახმად, ადმინისტრაციულ სამართალდარღვევის საქმეზე მტკიცებულებას წარმოადგენს ყველა ფაქტობრივი მონაცემი, რომელთა საფუძველზეც დგინდება სამართალდარღვევის არსებობა/არ არსებობა, თუ პირის ბრალეულობა მის ჩადენაში. განსახილველ შემთხვევაში საქმის სწორად გადაწყვეტისათვის საკმარისი მტკიცებულებებია წარმოდგენილი (სამართალდარღვევის ოქმი, აღრიცხვის კვანძის შემოწმება-მიღების აქტი, შსს საინფორმაციო-ანალიტიკური დეპარტამენტის მიერ მოწოდებული ინფორმაცია, აბონენტის ბარათი, სამართალდარღვევის ფაქტის ამსახველი ვიდეოჩანაწერი, შპს „საქართველოს მეტროლოგიის ცენტრის“ დასკვნა № 054), რომელთა მეშვეობით დგინდება ბექა ჯავახაძის მიერ საქართველოს ადმინისტრაციულ სამართალდარღვევათა კოდექსის 96¹-ე მუხლის პირველი ნაწილით გათვალისწინებული სამართალდარღვევის ჩადენის ფაქტი-ელექტროენერგიის დატაცება. ამასთან დაცულია იმავე კოდექსის 38-ე მუხლის პირველი ნაწილით დადგენილი ადმინისტრაციული სახდელის დადების სამთვიანი ვადა და 240-ე მუხლის პირველი ნაწილით დადგენილი ადმინისტრაციული სამართალდარღვევის ოქმის შედგენის წესი, რომლის დროსაც ბექა ჯავახაძემ მისცა ახსნა-განმარტება, გაეცნო ოქმის შინაარსს და ჩაიბარა მისი ასლი.

5. ზემოაღნიშნულის საფუძველზე, ვიხელმძღვანელე რა საქართველოს ადმინისტრაციულ სამართალდარღვევათა კოდექსის 96¹-ე მუხლის პირველი ნაწილით, მე-10, 38-ე, 228²-ე, 236-ე მუხლებით, სემეკის 28.06.2021 წ. № 19 დადგენილების 33-ე მუხლით, 12.08.2010 წ. № 14 დადგენილებით, ს.ს. „ენერგო-პრო ჯორჯიას“ გენერალური დირექტორის 29.06.2022 წ. EPG RU № 2022007 წესით და ს.ს. „ენერგო-პრო ჯორჯიას“ დირექტორთა საბჭოს თავმჯდომარის 10.10.2022 წ. EPG OR № 2022037 ბრძანებით,

დავადგინ:

6. ფიზიკური პირი ბექა ჯავახაძე, პირადი № 60001125507, ცნობილი იქნეს ადმინისტრაციულ სამართალდარღვევად საქართველოს ადმინისტრაციულ სამართალდარღვევათა კოდექსის 96¹-ე მუხლის პირველი ნაწილით გათვალისწინებული სამართალდარღვევისათვის და დაედოს ადმინისტრაციული სახდელი - გაფრთხილება.

7. იგივე ქმედება, ჩადენილი განმეორებით, გამოიწვევს ფიზიკური პირის დაჯარიმებას 100 ლარის ოდენობით, იურიდიული პირისა და დაწესებულების დაჯარიმებას - 15000 ლარის ოდენობით.

8. სპეციალური საექსპერტო დაწესებულებისა (ექსპერტისა) და თარჯიმნისათვის ასანაზღაურებელი მომსახურების ხარჯების კომპენსაციის საკითხი: _____

9. დადგენილება შეიძლება გასაჩივრდეს მხარისათვის მისი ჩაბარებიდან/საჯარო გამოცხადების გზით ჩაბარებულად ჩათვლიდან 10 (ათი) დღის ვადაში საქართველოს ენერგეტიკისა და წყალმომარაგების მარეგულირებელ ეროვნულ კომისიაში (მის. ქ. თბილისი, ა. მიცევიჩის ქ. №19).

უფლებამოსილი პირის ხელმისაწვდომი



ტარიელ შვანგირაძე,
კომისიის თავმჯდომარე